

UGOVOR

o nabavci usluge edukativnog programa Problem pretilosti djece u osnovnim i srednjim školama Kantona Sarajevo

zaključen dana 29.12.2016. godine u Sarajevu, između:

1. **Ministarstva za obrazovanje, nauku i mlade Kantona Sarajevo**, ul.Reisa Džemaludina Čauševića br.1, koje zastupa ministar **prof. dr. Elvir Kazazović**, (u daljnjem tekstu: **Naručilac**) i

2. **Udruženje „Sport i zdravlje” Sarajevo**, Ul. Zaima Šarca br. 106, ID broj 4202229480002, koje zastupa Predsjednik udruženja **Ensar Abazović**, (u daljnjem tekstu: **Izvršilac**).

Član 1.

Ugovorom se reguliraju odnosi između ugovornih strana radi poslovnog povezivanja u realizaciji nabavke usluge edukativnog programa za potrebe projekta „Problem pretilosti djece u osnovnim i srednjim školama Kantona Sarajevo” koji provodi Ministarstvo za obrazovanje, nauku i mlade Kantona Sarajevo. Ugovorne strane se obavezuju da će međusobne odnose utvrđene ovim ugovorom zasnivati i razvijati na principima međusobnog povjerenja, a sve u cilju ostvarivanja i unapređenja zajedničkih interesa.

Član 2.

Naručilac angažuje, a Izvršilac prihvata da u ime i za račun Naručioca izvrši edukativni program za potrebe projekta „Problem pretilosti djece u osnovnim i srednjim školama Kantona Sarajevo”. Edukativni program za 350 nastavnika osnovnih i srednjih škola za projekat „Problem pretilosti djece u osnovnim i srednjim školama Kantona Sarajevo” izvršit će se u skladu detalnog opisa specifikacije koja je sastavni dio ovog Ugovora.

Član 3.

Izvršilac se obavezuje da će poslove iz Člana 2. Ovoga Ugovora obaviti kvalitetno i pravovremeno, najkasnije u roku od 15 dana nakon potpisivanja ovoga Ugovora, a po instrukcijama Naručioca.

Član 4.

Naručilac se obavezuje da će Izvršiocu za obavljeni posao iz Člana 2. ovoga Ugovora isplatiti naknadu u iznosu od 6.961,50 KM sa uračunatim PDV-om, najkasnije u roku od 3 dana po dostavljanju fakture.

Član 5.

Isplata sredstava izvršit će se nakon isporučene usluge, a po dostavljenoj fakturi i to na transakcijski račun 3387202254516780 Izvršioca broj otvoren kod UniCredit Bank d.d.

Član 6.

Svi, eventualni, sporovi po ovom Ugovoru rješavat će se sporazumno, u protivnom, nadležan je Sud u Sarajevu.

Član 7.

Ovaj ugovor je sačinjen u četiri (4) istovjetna primjerka, po dva (2) za svaku ugovornu stranu.

Udruženje „Sport i zdravlje“

Ensar Abazović

Broj: 12/16
Sarajevo, 29.12.2016. godine



**Ministarstvo za obrazovanje, nauku i mlade
Kantona Sarajevo**

Prof. dr. Elvir Kazazović

Broj: 11-01-14-36191-5/16
Sarajevo, 29.12.2016. godine

